

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1115721 24 St
Sarajevo, 16.05.2025. godine

Općinski sud u Sarajevu, stečajni sudija Nebojša Joksimović, u stečajnom postupku nad imovinom stečajnog dužnika "MANIX" d.o.o. Sarajevo, ul. Jukićeva broj 116, Sarajevo, van ročišta dana 16.05.2025. godine donio je sljedeće

R J E Š E N J E

OTVARA SE stečajni postupak nad imovinom stečajnog dužnika "MANIX" d.o.o. Sarajevo, ul. Jukićeva broj 116, Sarajevo.

Za stečajnog upravnika se imenuje SINIŠA LUŽAIĆ iz Sarajeva.

Određuje se upis zabilježbe rješenja o otvaranju stečajnog postupka u sudskom registru Općinskog suda u Sarajevu u matičnom registarskom broju subjekta upisa broj 1-17687.

Zbog nedostatka stečajne mase za pokriće troškova stečajnog postupka ovaj stečajni postupak se neće provoditi, te se isti i ZAKLJUČUJE.

Nakon pravosnažnosti ovog rješenja isto će se dostaviti Odjeljenju registra privrednih subjekata Općinskog suda u Sarajevu, radi brisanja stečajnog dužnika u matičnom registarskom broju subjekta upisa broj 1-17687.

Troškovi stečajnog postupka padaju na teret stečajnog dužnika.

Ovo Rješenje će se objaviti u "Službenim novinama FBiH", na oglasnoj tabli suda, web stranici suda-elektronskoj tabli suda i na internet stranici FIA-e.

O b r a z l o ž e n j e

Rješenjem ovoga suda broj gornji od 06.12.2024.. godine pokrenut je prethodni postupak radi utvrđivanja uslova za otvaranje stečajnog postupka nad imovinom privrednog društva "MANIX" d.o.o. Sarajevo, ul. Jukićeva broj 116, Sarajevo, te je za privremenog stečajnog upravnika imenovan Siniša Lužaić iz Sarajeva. Navedeno rješenje je objavljeno u Službenim novinama F BiH broj 103 od 26.12.2024. godine i izvršeno javno oglašavanje putem oglasne table suda.

U prethodnom postupku privremeni stečajni upravnik je dana 27.01.2025. godine dostavio Izvještaj u kojem je, pored ostalog, naveo da postoje zakonski razlozi za otvaranje stečajnog postupka nad imovinom stečajnog dužnika „MANIX" d.o.o. Sarajevo, ul. Jukićeva broj 116, Sarajevo, iz razloga jer je dužnik prekinuo poslovanje i da nema očekivanih prihoda iz poslovanja kojima bi platio nastale obaveze, da dužnik nije sposoban da izmiruje tekuće obaveze, da nije sposoban ni dodatno da se zaduži, da ima neplaćene obaveze po osnovu poreza i doprinosa, te da je platežno kratkoročno i dugoročno je nesposoban, kao i da s prestankom poslovanja nema i prihoda iz poslovanja, kao da su se stekli uslovi za otvaranje stečajnog postupka.

Cijeneći Izvještaj privremenog stečajnog upravnika, Javnim pozivom od 24.02.2025. godine pozvani su povjerioci i zainteresovana lica da u roku od 30 (trideset) dana od dana objavljivanja ovog poziva predlože otvaranje stečajnog postupka nad imovinom stečajnog dužnika "MANIX" d.o.o. Sarajevo, ul. Jukićeva broj 116, Sarajevo, uz uplatu predujma za obezbjeđenje troškova stečajnog postupka u iznosu od 5.000,00 KM na depozitni račun ovog suda broj 1411965320009639 otvoren kod BBI Banke, da ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti Rješenje o otvaranju i zaključenju stečajnog postupka, te da ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Isti je objavljen u Službenim novinama F BiH broj 26/2025 od 09.04.2025. godine i izvršeno javno oglašavanje putem oglasne table suda i web stranice suda-elektronske table suda.

U ostavljenom roku a ni do dana donošenja ovog Rješenja nije dostavljen dokaz o uplati navedenog iznosa, niti je dostavljen podnesak kojim je neko od povjerilaca ili zainteresovanih lica obavjestio sud da će uplatiti traženi iznos predujma.

Odredbom člana 115. Zakona o stečaju je propisano da stečajni povjerioci mogu svoja potraživanja prema stečajnom dužniku ostvarivati samo u stečajnom postupku.

Na osnovu Izvještaja privremenog stečajnog upravnika utvrđeno je da stečajni dužnik duži vremenski period nije imao poslovnih aktivnosti, da su računi blokirani da je društvo platežno nesposobno, te da nema imovine iz čije bi se prodaje mogli pokriti troškovi stečajnog postupka tj. nema stečajne mase.

Po Javnom pozivu od 24.02.2025. godine niko od pozvanih/zainteresovanih lica nije predložio otvaranje stečajnog postupka niti dostavio dokaz o uplati traženog predujma za pokriće troškova stečajnog postupka, pa obzirom da nema stečajne mase za pokriće troškova stečajnog postupka, niti je iskazana volja za predlaganje otvaranja stečajnog postupka a time ni predujmljivanje sredstava za pokriće troškova postupka, to sud nije ni provodio stečajni postupak tj. otvorio je isti, odredio upis zabilježbe rješenja o otvaranju i stečajni postupak odmah i zaključio shodno odredbi člana 102. stav 8. Zakona o stečaju, a nakon pravosnažnosti istog i brisanje stečajnog dužnika iz sudskog registra..

Odluka o objavljivanju otvaranja i zaključenja stečajnog postupka donesena je na osnovu odredbi člana 102. stav 8. i 107. Zakona o stečaju.

Odluka o brisanju pravnog lica iz sudskog registra donesena je na osnovu odredbi člana 108. stav 1. tačka b). Zakona o stečaju.

STEČAJNI SUDIJA
Nebojša Joksimović

Pouka o pravnom lijeku:

Protiv ovog rješenja dozvoljena je žalba. Žalba se podnosi Kantonalnom sudu u Sarajevu putem ovog suda u 3 (tri) primjerka, u roku od 8 dana po proteku 5 dana od objave rješenja u „Službenim novinama FBiH“.